



Seljord kommune

Kommunestyret

MELDING OM VEDTAK

— Dykkar ref:

Vår ref
2014/547-3

Sakshand:
Knut Olav Heddejord, 35065160
knut.olav.heddejord@seljord.kommune.no

Arkivkode:
223

Dato:
05.06.2014

**Søknad om støtte for vidareutvikling av animert dukkefilm - Zacharias
Phillip D Grøstad**



Seljord kommune

Arkiv: 223
 Saksnr.: 2014/547-2
 Sakshand.: Asbjørn Storrusten
 Direkte tlf.: 35065155
 Dato: 30.04.2014

Saksframlegg

Utval	Utvalssak	Møtedato
Formannskap/økonomiutval	43/14	22.05.2014
Kommunestyret		

Søknad om støtte for vidareutvikling av animert dukkefilm - Zacharias Phillip D Grøstad

Saksdokument:

Saksutgreiing:

Zacharias Philip D. Grøstad, Svartdal søker om kr 30.000 som tilskott for å vidareutvikling av ein animert dukkefilm han lagar, animasjonsfilmen har utgangspunkt i saga om Flatdal.

Zacharias Philip D. Grøstad arbeider med å etablere seg som filmskapar.

Zacharias Grøstad skriver i søknaden;

Utdanning

Som utdanning har eg teikning form og farge frå vidaregåande skule i Lunde frå 2005. Andre året i Lunde fekk eg utplassering hjå animatøren Robi Müller i Sveits. I 2006 byrja eg på Møre folkehøgskule der eg gjekk eit år på animasjonslinja. I 2008 byrja eg på Høgskulen i Volda der eg fekk ein bachelor innan animasjon. Medan eg gjekk i Volda tok eg fordjuping i dokkefilm og hadde utplassering i Lassofilm i Volda der eg var med å animerte kortfilmen Støv på stiften, etterfølgjaren til Janus som vann pris for beste kortfilm under Amanda utdelinga i 2007.

Kva eg ynskjer med filmen

Mellom utdanningane har eg jobba som vikar i heildagsbarnehagen i Seljord og i Flatdal. Første gongen eg var vikar fann eg ut at ungane hadde lite kjennskap til sogene frå nærområdet. Dei hugsar eg at me fekk fortald til stor underhaldning medan eg gjekk der. Eg fann ut at desse sogene er vanskeleg å finne fram til, men at dei har både stort underhaldningspotensiale og passar godt som film. Eg vil gjerne at filmen skal kunne nyttast til formidling av lokalhistorie samt ha ein underhaldningsverdi som kan vare.

Om filmen

Filmen tek for seg Soga om Flatdal som fortel om korleis dalen har fått utsjånaden sin. I riktig gamle dagar var dei eit stort vatn som dekte heile dalbotnen. På denne tida budde ein gut med namn Åsmund i Seljord. Han hadde eit godt auge for dotter til den rike Jarlen Tor i Hjartdal. I eit friarlaug får han beskjed om at han ikkje får gifte seg med Sigrid før han får det til å vekse gras på denne innsjøen som ligg i Flatdal. På veg heim treff Åsmund på Tårån som bur i Skorve. Ho sit og vever voll. Ho lovar å hjelpe

Åsmund om han ofrar sitt første born til ho. Åsmund gjeng med på dette og får gifta seg med Sigrid. Når dei får sin første unge får Sigrid hjelp av ein reisande munk til å velsigne ungen. Då får ikkje Tårån tak i ungen og ho forsvinn inn i Skorve.

Budsjett

Budsjettet for filmen er ikkje heilt ferdig enno sidan eg er i planleggingsfasen enno. Eg har fått 158000 kr av Sørnorsk filmsenter for å få ferdig eit godt manus og ei godt utarbeida visuell skisse av filmen som skal brukast som grunnlag for filmen og til vidare søking. Eg har gjort ei grovrekning på totalbudsjettet og landa på omlag 2,5 millionar kr. Arbeidet med å søke finansieringa vil byrje no i haust, då får eg med meg Solfrid Tveit Holand som produsent. Det hadde vore fint om Seljord kommune kunne bidra litt enten økonomisk eller som drahjelp for å få andre til å vera med å støtte. Prosjektet er ikkje berre aktuelt for kommunen i forhold til Seljord og sogene prosjektet men kan ha stor verdi for Dyrskuen og andre kulturelle arrangement.

Vurdering

Det er i Seljord og spesielt i Svartdal/ Flatdal eit miljø av fleire utøvande kunstnarar. Zacharias er vakse opp i dette miljøet og arbeidar nå med å etablere seg med sin kulturellverksemd. Det å ha eit aktivt kunstnarmiljø blir anset som spesielt attraktivt og utviklande for ein bygd. At neste generasjon kunstnarar vil etablere seg her med eige verksemd er svært positivt.

Rådmannen meiner at ein kunstnar som arbeidar med å utvikle sin eigen verksemd er kulturelt næringsliv og er innanfor Næringsfondets formål om støtte til næringsformål.

Ein animasjonsfilm som fortel Soga om Flatdal vil vera positivt å utvikle og vil gjere soga meir tilgjengeleg for alle.

Rådmannen si tilråding:

Rådmannen rår formannskapet om å gjere følgjande vedtak:

**Seljord kommune støtter Zacharias Philip D. Grøstad, Flatdal med kr 15.000
til å vidareutvikle animasjonsfilmen "Soga om Flatdal".
Løyvinga er av Næringsfond.**

Handsaming i Formannskap/økonomiutval - 22.05.2014

Rådmannen si tilråding vart samrøystes vedteke.

Vedtak i Formannskap/økonomiutval - 22.05.2014

Seljord kommune støtter Zacharias Philip D. Grøstad, Flatdal med kr 15.000 til å vidareutvikle animasjonsfilmen "Soga om Flatdal".
Løyvinga er av Næringsfond.

Utskrift til: Zacharias Grøstad